

INDEX GEOGRAPHICUS. 89

portaret. Rabbath filiorum Ammon eadem est, in qua erat Og Regis Basan lectus ferreus cubitorum novem longitudinis, & quatuor latitudinis, Deuter. 3. v. 11. Rabbath tandem dicta fuit Philadelphia, cujus cives ut plurimum Græci cum Judæis sæpissimè contendebant, Joseph. 20. Antiq. c. 1. & 3. Bell. c. 4. latitudinem Perææ metitur à Philadelphia ad Jordanem.

Rabbath septima urbs inter alias sexdecim, quas describit Josue 19. v. 20. eaque inter Anaharath & Cefion.

Ragaba, Joseph. 13. Antiq. c. 23. castrum, quod dum obsidet Alexander Jannæus, ex vini intemperie in febrim incidit, moriturque.

Ragau. Judith 1. v. 5. Nabuchodonosor, qui regnabat in Ninive civitate magna, pugnavit contra Arphaxad, & obtinuit eum, v. 6. in campo magno, qui appellatur Ragau, circa Euphratem & Tygrim.

Rages. Hujus loci tota mentio est à Tobia, qui 1. v. 16. vocat Rages civitatem Medorum; iterumque 3. v. 7. & 4. v. 21. & 5. v. 8. ubi Rages civitas Medorum dicitur posita in monte Ecbaranis; iterum civitas Medorum dicitur 6. v. 6. & 9. v. 6. In eam urbem Tobias ex Tribu Nephtholim deportatus est à Salmanasar: primumque ab ipso clementer acceptus, à Sennacherib exilio, & bonis multatus, ab Assaradone restitutus, statimque iterum bonis spoliatus, Niniven migravit, tandemque Tobia filio Raguëlis filiam uxorem ducente, pater ipse annorum plenus, vaticinatur Niniven, in qua erant, brevi evertendam, & Jerusalem restaurandam.

Rama decima quarta est inter urbes viginti sex Tribus Benjamin, & secunda partis secundæ, Josue 18. v. 25. Nemoris in Rama mentio est 1. Reg. 22. v. 6. Urbis situs est itinere Levitæ, cujus uxor extincta est in Gabaa;prehenditur inter Jerusalem, & Gabaa, Judic. 19. v. 10... 13. Urbem hanc Rama munire constituerat Baasa Rex Israël, 3. Reg. 15. v. 17. Sed cum Asa auxilium impetrasset à Benadad Rege Syriæ, Baasa intermisit munire Rama, v. 21. Et Asa Rex lapides & ligna abstulit de Rama, & ex iis muniit Gabaa, & Maspha in Benjamin, v. 22. Eadem historia est 2. Paralip. 16. Rama autem, de qua Matthæus 2. v. 18. Vox in Rama audita est: ploratus & ululatus multus; Rachel plorans filios suos, & noluit consolari super eos, quia non sunt. Et Jerem. 31. v. 15. Vox in Rama (in excelsa lectio vulgata interpretatur) audita est lamentationis, luctus & fletus. Alii hanc vocem Rama urbem in Tribu Benjamin; alii in excelsa interpretantur, clamoremque & luctum matrum, filios suos ab Herode occisos, plorantium ubique auditum intelligunt.

Ramatha, ubi Domus Elcanæ, & Annæ parentum Samuëlis, 1. Reg. 1. v. 1. dicitur Ramatha in Sophim de monte Ephraim. 7. v. 15. Judicabat Samuël Israël cunctis diebus vitæ suæ, v. 16. & ibat per singulos annos circueiens Bethel, & Galgal, & Masphat, & judicabat Israël in supradictis locis, v. 17. revertebaturque in Ramatha: ibi etiam erat domus ejus, & ibi judicabat Israël: ædificavit etiam ibi altare Domino. 25. v. 1. Mortuus est Samuël, & congregatus est universus Israël, & planxerunt, & sepelierunt eum in domo sua in Ramatha.

Rameffes. Genes. 47. v. 11. Joseph Patri & Fratribus suis dedit possessionem in Ægypto, in optimo terræ loco, Rameffes, ut præceperat Pharaon. Exod. 1. v. 11. Præposuit Pharaon (longè alius ab altero) eis (Israëlitis) magistros operum, ut affligerent eos oneribus, ædificaveruntque urbes tabernaculorum; Pharaïm, Phithom, & Rameffes. 12. v. 37. Profectique sunt filii Israël de Rameffe in Socoth. Sic & Numer. 33. v. 3. & v. 5. cum Israël ab Ægypto egressi in solitudinem, tum & in Terram Promissam tenderent.

Rameth decima inter urbes sexdecim, quas Josue describit in Tribu Issachar,

Latit. Gr. Scr.	Longit. Gr. Scr.
--------------------	---------------------

32. 28.	67. 12. $\frac{1}{2}$
---------	-----------------------

32. 31.	67. 57.
---------	---------

31. 0.	80. 0.
--------	--------

36. 35.	90. 40.
---------	---------

31. 52. $\frac{1}{2}$	66. 27.
-----------------------	---------

32. 1.	66. 12. $\frac{1}{2}$
--------	-----------------------

30. 0.	62. 30.
--------	---------

32. 21.	67. 15.
---------	---------